



魏詩紀卷之四

北海馮惟訥編

陳思王植

詩四言

上責躬詩

魏志曰黃初四年植朝
京都上疏并獻詩二首

於穆顯考時惟武皇受命于天寧濟四方朱旗所拂九土
披攘玄化滂流荒服來王超商越周與唐比蹤篤生我皇
奕世載聰武則肅烈文則時雍受禪于魏志漢君臨萬邦

萬邦既化率由舊則廣命懿親以藩王國帝曰爾侯君茲
青土奄有海濱方周于魯車服有輝旗章有叙濟濟雋乂
我弼我輔伊予小子恃寵驕盈舉挂時網動亂國經作藩
作屏先軌是贖傲我皇使犯我朝儀國有典刑我削我紕

集作

將寘于理元兇是率明明天子時惟篤類一作時不

忍我刑暴之朝肆違彼執憲哀予小臣一作子改封充邑于

河之濱股肱弗置有君無臣荒淫之闕誰弼予身軫軫僕

夫于彼冀方嗟予小子乃罹斯殃赫赫天子恩不遺物冠

我玄冕要我朱紱光大一作天使我榮我華剖符授玉一作

二王爵是加仰齒金匱俯執聖策皇恩過隆祇承怵惕咨

我小子頑兇是嬰逝愆陵墓存愧闕庭匪敢傲德實恩是

侍威靈改加足以沒齒昊天罔極生魏志命不圖常懼顛

沛抱罪黃墟願蒙矢石建旗東嶽庶立毫釐微功自贖危

軀授命知足免戾并赴江湘膏艾吳越天啓其衷得會京

畿遲奉聖顏如渴如飢心之云慕愴矣其悲天高聽中皇

宵照微

應詔詩

肅承明詔應會皇都星陳夙駕秣馬脂車命彼掌徒肅我

征旅朝發鸞臺夕宿蘭渚茫茫原隰祁祁士女經彼公田
樂我稷黍爰有樛木重陰匪息雖有餓殍飢不遑食望城
不過面邑不游僕夫警策平路是由玄駟藹藹揚鏡漂沫
流風翼衡輕雲承蓋涉澗之濱綠山之隈遵彼河滸黃坂
是階西躋關谷或降或升駢駢倦路載寢載興將朝聖皇
匪敢晏寧珥節長驚指日遄征前驅舉燧後乘抗旌輪不
輟運鑿無廢聲爰暨帝室稅此西墉嘉詔未賜朝覲莫從
仰瞻城闕俯惟闕庭長懷永慕憂心如醒

朔風詩 五章

仰彼朔風用懷魏都願騁代馬倏忽北徂凱風永至思從
蠻方願隨越鳥翻飛南翔其一

四氣代謝懸景運周別如俯仰脫若三秋昔我初遷朱華
未晞今我旋止素雪云飛其二

俯降千仞仰登天阻風飄蓬飛載離寒暑千仞易陟天阻
可越昔我同袍今永乖別其三

予好芳草豈忘爾貽繁華將茂秋霜悴之君不垂眷豈云
其誠秋蘭可喻桂樹冬榮其四

絃歌蕩思誰與銷憂臨川慕思何爲去聲泛舟豈無和樂游

非我隣誰忘泛舟愧無榜音進又人其

矯志詩

芝桂雖芳今本作芳樹雖香難以餌烹尸位素餐難以成名磁石

引鐵於金不連大朝舉士愚不聞焉抱壁塗乞無為貴寶

履仁邁禍無為貴道鴛鴦難遠害不羞卑棲靈虬避難不耻

污泥都蔗雖其杖之必折巧言雖美用之必滅濟濟唐朝

萬邦作孚闕逢蒙雖巧必得良弓聖藝文主雖知必得藝文

作亦英雄螳螂見嘆齊士輕戰越王軾蛙國以死獻道遠

知驥世偽知賢覆之幬之順天之矩澤如凱風惠如時雨

口為禁闔舌為發機門機之閭借矢不追

元會詩

晉禮志漢儀有正會禮正旦受賀公侯以下執贄來庭二千石以上升殿稱歲後作樂燕饗魏

帝都鄴正會文昌殿用漢儀

初歲元祚吉日惟良乃為嘉會宴此高堂衣裳鮮潔黼黻

玄黃珍膳雜還充溢圓方俯視文軒仰瞻華梁願保茲善

一作千載為常歡笑盡娛樂哉未央皇室一作榮貴家壽考

無疆

閨情

有一美人被服織羅妖姿艷麗若春華紅顏華暉雲髻
嵯峨彈琴撫節爲我弦歌清濁齊均既亮且和取樂今日
遑恤其他

公宴詩

公子敬愛客終宴不知疲清夜遊西園飛蓋相追隨明日
澄清影列宿正參差秋蘭被長坂朱華冒綠池潛魚躍清
波好鳥鳴高枝神飈接丹轂輕輦隨風移飄飄放志意千
秋長若斯

侍太子坐

白日曜青春時雨靜飛塵寒水辟炎景一作涼風飄我身
清醴盈金觴餽饌縱橫陳齊人進奇一作嘉樂歌者出西秦

翩翩我公子機巧忽若神

贈徐幹

驚風飄白日忽然歸西山圓景光未滿衆星燦以繁志士
營世業小人亦不閒聊且夜行游游彼雙闕間文昌鬱雲
興迎風高中天春鳩鳴飛棟流焱激櫺軒顧念蓬室士貧
賤誠足憐薇霍弗克虛皮褐猶不全慷慨有悲心興文自
成篇寶棄怨何人和氏有其愆彈冠俟知己知己誰不然

有一美人被服織羅妖姿艷麗蒼若春華紅顏華暉雲鬢
嵯峨彈琴撫節爲我弦歌清濁齊均既亮且和取樂今日
遑恤其他

公宴詩

公子敬愛客終宴不知疲清夜遊西園飛蓋相追隨明月
澄清影列宿正參差秋蘭被長坂朱華冒綠池潛魚躍清
波好鳥鳴高枝神飈接丹轂輕輦隨風移飄飄放志意千
秋長若斯

侍太子坐

白日曜青春時雨靜飛塵寒氷辟炎景一作涼風飄我身
清醴盈金觴餽饌縱橫陳齊人進奇一作嘉樂歌者出西秦
翩翩我公子機巧忽若神

贈徐幹

驚風飄白日忽然歸西山圓景光未滿衆星燦以繁志士
營世業小人亦不閒聊且夜行游游彼雙闕間文昌鬱雲
興迎風高中天春鳩鳴飛棟流焱激櫺軒顧念蓬室士貧
賤誠足憐微霍弗克虛皮褐猶不全慷慨有悲心興文自
成篇寶棄怨何人和氏有其愆彈冠俟知己知己誰不然

良田無晚歲膏澤多豐年亮懷璫璣美積久德愈宣親交
義在敦申章復何言

贈丁儀

集云與都亭侯丁翼今云儀誤也
魏畧曰丁儀字正禮大祖碑為楊

初秋涼氣發庭樹微銷落凝霜依王除清風飄飛閣朝雲
不歸山霖雨成川澤黍稷委疇隴農夫安所獲在貴多忘
賤為恩誰能博孤白足禦冬焉念無衣客思慕延陵子寶
劍非所惜子其寧爾心親交義不薄

贈王粲

端坐苦愁思攬不起西游樹木發春華清池激長流中有
孤鴛鴦哀鳴求匹儔我願執此鳥惜哉無輕舟欲歸忘故
道顧望但懷愁悲風鳴我側羲和逝不留重陰潤萬物何
懼澤不周誰令君多念自使懷百憂

又贈丁儀王粲

從軍度函谷驅馬過西京山岑高無極涇渭揚濁清壯哉
帝王居住佳麗殊百城員闕出浮雲承露槩泰清皇佐揚天
惠四海無交兵權家雖愛勝全國為令名君子在末位不
能歌德聲丁生怨在朝王子歡自營歡怨非真則中和誠

可經

贈丁冀

文士傳曰翼字敬禮儀之弟也為黃門侍郎

嘉賓填城闕豐膳出中厨吾與二三子曲宴此誠隅秦箏
發西氣齊瑟揚東謳肴來不虛歸觴至反無餘我豈狎異
人朋友與我俱大國多良材譬海出明珠君子義休侍小
人德無儲積善有餘慶榮枯立可湏滔蕩固大節時俗多
所拘君子通大道無願為世儒

贈白馬王彪

七章

序曰黃初四年正月白馬王江任城王與余俱朝京師
節氣到洛陽任城王薨至七日乃與白馬王還國後有司
以二王歸蕃道路宜異宿止意毒恨之蓋以大別在數
日是用自剖與王辭焉憤而成篇

馬王後徙封楚集曰於圍城作

魏志曰楚王彪字朱虎武帝子也初封白

謁帝承明廬逝將歸舊疆清晨發皇邑日夕過首陽伊洛

廣一作曠且深欲濟川無梁汎舟越洪濤怨彼東路長顧瞻

戀城闕引領情內傷其一

太谷何寥廓山樹鬱蒼蒼霖雨泥我塗流潦浩縱橫中遠

絕無軌改轍登高岡修坂造雲日我馬玄以黃其二

玄黃猶能進我思鬱以紆鬱紆將何念今本作難進親愛在離

居本圖相與偕中更不克俱鳴臬鳴衡斲豺狼當路衢蒼

蠅間白黑讒巧友今本作作令親踈欲還絕無蹊攬轡止踟蹰其三

踟蹰亦何留相思無終極秋風發微涼寒蟬鳴我側原野

何蕭條白日忽西匿歸鳥赴喬林翩翩厲羽翼孤獸走索

群銜草不遑食感物傷我懷撫心長太魏志其作嘆息四

太息將何為天命與我違奈何念同生一往形不歸孤魂

羽故域靈柩寄京師存者忽復一作已過亡沒身自衰人生

處一世去若朝露晞年在桑榆間影響不能追自顧非金

石咄嗟志作吃令心悲其五

心悲動我神棄置莫復陳丈夫志四海萬里猶比隣恩愛

苟不虧在遠分日親何必同衾幃然後展慙慙憂思成疾

疥無乃兒女仁倉卒骨肉情能不懷苦辛其六

苦辛何慮思天命信可疑虛無求列仙松子久吾欺變故

在斯須百年誰能持離別永無會執乎將何時王共愛玉

體俱享黃髮期收淚即長路志作塗援筆從此辭其七

送應氏詩二首

步登北邙阪遙望洛陽山洛陽何寂寞宮室盡燒焚垣墻
皆頓擗荆棘上參天不見舊耆老但覩新少年側足無行
徑荒疇不復田游子久不歸不識陌與阡中野何蕭條千
里無人煙念我平常居一作平生氣結不能言

二

清時難屢得嘉會不可常天地無終極人命若朝霜願得
展嫵婉我友之朔方親昵並集送置酒此河陽中饋豈獨
薄賓飲不盡觴愛至望苦深豈不愧中腸山川阻且遠別
促會日長願爲比翼鳥施翮起高翔

三良詩

功各不可爲忠義我所安秦穆先下世三臣皆自殘生時
等榮樂旣沒同憂患誰言捐軀易殺身誠獨難攬涕登君
墓臨穴仰天嘆長夜何冥冥一往不復還黃鳥爲悲鳴哀
哉傷肺肝

遊仙詩

人生不滿百戚戚一作歲歲少歡娛意欲奮六翮排霧凌紫虛
蟬蛻同松喬翻跡登鼎湖翱翔九天上騁轡遠行遊東觀
扶桑曜西臨弱水流北極玄天一作渚南翔陟丹丘

雜詩七首

高臺多悲風朝日照北林之子在萬里江湖迥且深方舟
安可極離思故難任孤鴈飛南游過庭長哀吟翹思慕遠
人願欲托遺音形影忽不見翩翩傷我心

二

轉蓬離本根飄飄隨長風何意迴飈舉吹我入雲中高
上無極天路安可窮類此游客一作流宕子捐軀遠從戎毛褐
不掩形薇藿常不充去去莫復道沈憂令人老

三

比有織婦綺縞何繽紛明晨秉機杼日與不成文太息
終長夜悲嘯入青雲妾身守空閨良人行從軍自期三年
歸今已歷九春飛玉臺作孤鳥遶樹翔啾啾鳴索群願為南流
景馳光見我君

四

南國有佳人容華若桃李朝游江北岸夕宿瀟湘沚時俗
薄朱顏誰為發皓齒俛俯仰歲將暮榮耀難久恃

五

侯夫早嚴駕吾將遠行游遠游欲何之吳國為我仇將騁

萬里途東路安足由江介多悲風淮泗馳急流願欲一輕
濟惜哉無方舟閒居非吾志甘心赴國憂

六

飛觀百餘尺臨牖御櫺軒遠望周千里朝夕見平原烈士
多悲心小人媮自閒國讐豈亮不塞耳心思喪元拊劍西南
望思欲赴太山絃急悲聲發聆我慷慨言

七

覽衣出中閨道遙步兩楹間房何寂寞綠草被堦庭空室
一作自生風白鳥翩南征春思安可忘憂戚與我并佳人

在遠道妾身單且乳歡會難再遇芝蘭不重榮人皆棄

愛君豈若平生寄松爲女蘿依水如浮萍齋身奉衿帶朝

夕不墮傾儻終顧盼恩

一作儻能終顧盼

永副我中情

七哀詩

玉臺作雜詩樂府作怨歌行本辭

明月照高樓流光正徘徊上有愁思婦悲歎有餘哀借問
歎者誰言是宕子妻君行踰十年孤妾常獨棲君若清路
塵妾若濁水泥浮沉各異勢會合何時諧願爲西南風長
逝入君懷君懷良不開賤妾當何依

雜詩

玉臺作雜詩

微陰翳陽景清風飄我衣遊魚潛綠水翔鳥薄天飛眇眇
客行士遙役不得歸始出嚴霜結今來白露晞遊子嘆黍
離處者歌式微慷慨對嘉賓悽愴內傷悲

喜雨詩

天覆何彌廣苞育此羣生棄之必憔悴惠之則滋榮慶雲
從北來鬱述西南征時雨中夜降長雷周我庭吉嘉種盈膏
壤登秋畢有成

失題

見藝文
鶴郊

雙鶴俱遨遊相失東海傍雄飛竄北朔雌驚赴南湘棄我

交頸歡離別各異方不惜萬里道但恐天網張

七步詩

本集
不載

世說新語曰文帝嘗令東阿王七步中作詩
不成者行大法應聲便為詩
帝有慙色

煮豆持作羹漉豉以為汁其在釜中然豆在釜中泣本是

同根生相煎何太急

一作煮豆燃豆箕豆在釜中
泣本是同根生相煎何太急

離友詩二首

并序

鄉人有夏侯威者少有成人之風余尚其為人與之昵
好王師振旅送余於魏邦心有眷然為之隕涕乃作離
友之詩其辭曰

王旅遊兮背故鄉彼君子兮篤人網騰余行兮歸朔方馳
原隰兮尋舊疆車一作載奔兮馬繁驤涉浮濟兮泛輕航
迄魏都兮息蘭房展宴好兮惟樂康

二 本集止載前一首
會考藝文附入

涼風肅兮白露滋木感氣兮條葉辭臨涑水兮登重基折
秋華兮采靈芝尋永歸兮贈思感離隔兮會無期伊鬱
悒兮情不怡初學記載二句云日匿景兮天微陰
經迥路兮造北林當別有一首也

闕文

姤詩

空爾同衾曾不是志寧彼治容安此姤忘

鬪騷詩

卒落冥冥與道相駘隱然長寢其樂無踰

艷歌

自薊北門遙望胡池桑枝枝自相值葉葉自相當

樂府

墨出青松烟筆出狡兔翰古人感鳥跡文字有改判

芙蓉池

逍遙芙蓉池翩翩戲輕舟南楊栖雙鷓北柳有鳴鳩

言志

慶雲未時興雲龍潛作魚神鸞失其倚還從燕雀居

雜詩

悠悠遠行客去家千餘里出亦無所之入亦無所止浮雲

翳日光悲風動地起

魏詩紀卷之四

魏詩紀卷之五

北海馮惟訥編

王粲

字仲宣山陽高平人有異才漢獻帝西遷因林居

長安後之荆州依劉表表卒一曹操辟為丞相掾賜爵關內侯拜侍中建安二十二年卒○詩品曰粲詩其源出於李陵發愀愴之詞七八秀而質羸在曹劉間別構一體方陳思不足比魏文有餘

樂府

太廟頌 三章

建安十八年曹操為魏公加九錫始立宗廟令粲作此頌以享其先始名曰顯廟頌後人更今名

思皇烈祖時邁其德肇啓洪源貽燕我則我休厥成聿先厥道丕顯丕欽允時祖考其一

綏庶邦和四字九功備彝樂序建崇牙設璧羽六佾奏太

音舉昭大孝衍妣祖念武功收純祐其二

於穆清廟翼翼休徵祁祁髦士厥德允升懷想成位咸聿

在宮無思不若允觀厥崇其三

俞兒舞歌四首

晉書樂志曰巴渝舞漢高帝所作也高帝自蜀漢將定三秦閬中范因率賈人從帝為前鋒及定秦中封因為閬中侯其俗善歌舞高帝樂其猛銳數觀其舞曰武王伐紂歌也後使樂人皆

之閬中有渝水因其所居故曰巴渝舞舞曲有矛渝弩渝安臺行辭宋書樂志曰魏俞兒舞歌四篇魏國初建所用使王粲改創其辭為矛俞弩俞安臺行辭新福歌曲行辭以述魏德後於太祖廟並作之

矛俞新福歌

漢初建國家匡九州蠻荆震服五月三革休安不忘備武樂脩宴我賓師敬用御天永樂無憂子孫受百福常與松喬遊丞庶德莫不成歡柔

弩俞新福歌

材官選士劔弩錯陳應桴蹈節俯仰若神綏我武烈篤我

淳仁自東自西莫不來賓

安臺新福歌

武宋書功既定庶士咸綏樂陳我廣庭式宴賓與師昭文
作我德宣武威平九有撫民黎荷天寵延壽尸千載莫我違

行辭新福歌

神武用師士素厲仁恩廣覆猛節橫逝自古立功莫我弘
大栢栢征四國爰及海裔漢國保長慶垂祚延萬世

詩

贈蔡子篤詩

蔡睦字子篤為尚書仲宣與之同
避難荆州子篤還仲宣作此贈之

翼翼飛鸞載飛戩東我友云徂言矣舊邦舫舟翩翩以泝
大江蔚矣荒塗時行靡通慨我懷慕君子所同悠悠世路
亂離多阻濟岱江行邈焉異處風流雲散一別如雨人生
實難願其弗與瞻望遐路允企伊佇烈烈冬日肅肅淒風
潛鱗在淵歸鴈載軒苟非鴻鵬孰能飛翻雖則追慕予思
罔宣瞻望東路慘愴增歎率彼江流爰逝靡期君子信誓
不遷于時及子同寮生死固之何以贈行言授斯詩中心
孔悼涕淚漣洏嗟爾君子如何勿思

贈士孫文始

三輔決錄注曰士孫萌字文始少有才學年十五能屬文初董卓之誅也萌父瑞知王允必敗京師不可居乃命萌將家屬至荊州依劉表去無幾果為李儼等所殺及天子都許昌追論誅董卓之功封萌為滄津亭侯與山陽王粲善萌當就國粲作詩以贈萌

天降喪亂靡國不夷我暨我友自彼京師宗守盪失越用
遁違遷于荆楚在漳之湄在漳之湄亦克晏處和通荒墳
比德車輔既度禮義卒獲笑語庶茲永日無讟厥緒雖曰
無讟時不我已同心離事乃有逝止橫此大江淹彼南汜
我思弗及載坐載起惟彼南汜君子居之悠悠我心薄言

才之人亦有言靡日不思矧伊嫵婉胡不悽而晨風夕逝
託與之期瞻仰王室慨其永歎良人在外誰佐天官四國
方阻俾爾歸藩爾之歸藩作式下國無日蠻裔不虔汝德
慎爾所主率由嘉則龍雖勿用志亦靡惑悠悠澹澹鬱彼
唐林雖則同域邈其迥深白駒遠志古人所箴允矣君子
不遐厥心既往既來無密爾音

贈文叔良

搜神記曰文穎字叔良南陽人為荊州從事

翩翩者鴻率彼江濱君子于征爰聘西隣臨此洪渚伊思

梁岷爾行孔邈如何勿勤君子敬始慎爾所主謀言必賢
錯說申輔延陵有作僑肱是與先民遺跡來世之矩既慎
爾主亦迪知幾探情以華覩著知微視明聽聰靡事不惟
董褐荷名胡寧不師衆不可蓋無尚我言梧宮致辯齊楚
構患成功有要在衆思歡人之多忌掩之實難瞻彼黑水
滔滔其流江漢有卷允來厥休二邦若否職汝之由緬彼
行人鮮克弗留尚哉君子異于他仇人誰不勤無厚我憂
惟詩作贈敢詠在舟

思親詩 為潘文則作

摯虞文章流別云王粲所與蔡子篤及文叔良上孫文始楊德祖詩及為潘文則作思親詩其文當而整皆近乎雅矣贈楊修詩今亡

穆穆顯 初學記作皇 妣德音徽止思齊先姑志倅姜妙躬此勞

率鞠予小子小子之生遭世罔寧烈考勤時從之于征奄
遘不造殷憂是嬰咨于靡及退守祧祊五服荒離四國分
爭禍難斯逼救死於頸嗟我懷歸弗克弗逞聖善獨勞莫
慰其情春秋代逝于茲九齡緬彼行路焉託予誠予誠既
否委之于天庶我顯 一作剛 妣克保遐年疊疊惟懼心乎如
懸如何不弔早世徂顛於存弗養於後弗臨遺愆在體慘

痛切心形景尸立鬼爽飛沉在昔哀我哀有餘音我之此
譬憂其獨深胡寧祝息以濟于今巖巖叢險則不可摧仰
瞻歸雲俯聆飄回飛焉靡翼超焉靡階思若流波情似坻
頽詩之作矣情以告哀

公讌詩

昊天降豐澤百卉挺歲飗涼風撤蒸暑清雲却炎暉高會
君子堂並坐蔭華棟嘉禾充圓芳旨酒盈金罍管絃發徽
音曲度清且悲合坐同所樂但慙栝行違常聞詩人語不
醉且無歸今日不極歡含情欲付誰見眷良不翅守分豈
能違古人有遺言君子福所綏願我賢主人與天享魏
克符周公業奕世不可追

從軍詩五首

樂府作
從軍行

魏志曰建安二十年三月公西征張魯魯及五
子降十二月至自南鄭是行也侍中王粲作五
言詩以
美其事

從軍有苦樂但問所從誰所從神且武焉得又勞師相公
征關右赫怒震天威一舉滅獯虜再舉服羗夷西收邊地
賊忽若俯拾遺陳賞越丘山酒肉踰川坻軍中多沃饒人
馬皆溢肥徒行兼乘還空出有餘資拓地三千里往返一

如飛歌舞入鄴城所願獲無違晝日處大朝日暮薄言歸
外叅時明政內不廢家私禽獸憚爲犧良苗實已揮竊慕
負鼎翁願厲朽鈍姿不能效沮溺相隨把鋤犁孰覽夫子
詩信知所言非

二

建安二十二年祭從曹公征
吳此下四首蓋征吳作也

涼風厲秋節司典告詳刑我君順時發桓桓東南征汎舟
蓋長川陳卒被隰垵征夫懷親戚誰能無戀情拊衿倚舟
倘眷眷思鄴城哀彼東山人喟然感鵠鳴日月不安處人

誰獲恒

善作常

寧昔人從公旦一徂輒三齡今我神武師暫

往必速平弃余親睦恩輸刀竭忠貞懼無一夫用報我素

餐誠夙夜自併

普與反

性思逝若抽紫將東元登羽豈敢聽

金聲

三

從軍征遐路討彼東南夷方舟順廣川薄暮未安坻白日

半西山桑梓有餘暉蟋蟀夾岸鳴孤鳥翩翩飛征夫心多

懷悽

善本作惻

愴令吾悲下船登高防草露露我衣迴身赴昧

寢此愁當告誰身服干戈事豈得念所私即戎有授命茲

理不可違

四

朝發鄴都橋暮濟白馬津逍遙河隄上左右望我軍連舫
踰萬艘帶甲千萬人率彼東南路將定一舉勳籌策運帷
幄一由我聖君恨我無時謀譬諸具官臣鞠躬中堅內微
畫無所陳許歷為完士一言猶善作獨敗秦我有素餐責誠
愧伐檀人雖無鈛刀用庶幾奮薄身

五

悠悠涉荒路靡靡我心愁四望無煙火但見林與丘城郭
生榛棘蹊徑無所由桓蒲葦廣澤葭葦夾長流日夕涼
風發翩翩漂吾舟寒蟬在樹鳴鸛鵠摩天游客子多悲傷
淚下不可收朝入譙郡界曠然消人憂鷄鳴達四境黍稷
盈原疇館宅充鄜里七女滿莊五臣作自非賢聖國誰
能享斯休詩人美樂土雖客猶願留

詠史詩

自古無殉死達人所共知秦穆殺三良惜哉空爾為結髮
事明君受恩良不訾臨沒要之死焉得不相隨妻子當門
泣兄弟哭路垂臨穴呼蒼天涕下如綆縻人生各有志終

不為此移同知埋身劇心亦有所施生為百夫雄死為壯
士規黃鳥作哀詩至今聲不虧

雜詩

日暮遊西園冀為

一作為我

憂思情曲池揚素波列樹敷丹榮

上有特栖鳥懷春向我鳴寒衽欲從之路險不得征徘徊
不能去佇立望爾形風飈揚塵起白日忽已冥回身入空
房託夢通精誠人欲天不違何懼不合并

雜詩四首

吉日簡清時從君出西園方軌策良馬並驅厲中原北臨

清漳水西看柏楊山回翔遊廣園逍遙波水間

二

列車息衆駕相伴綠水湄幽蘭吐芳烈芙蓉發紅暉百鳥

何續翻振翼群相追投網引潛魚

藝文作鯉

強弩下高飛白日

已西邁歡樂忽忘歸

三

聯翻飛鸞鳥獨遊無所因毛羽照野草哀鳴入層雲我尚
假羽翼飛翫耳形身願及春陽會交頸遘殷勤

四

鷲鳥化爲鳩遠竄江漢邊遭遇風雲會託身鸞鳳間天姿
既否矣受性又不閑邂逅見逼迫俛仰不得言

七哀詩三首

西京亂無象豺虎方遘患復棄中國去委身適荆蠻親戚
對我悲朋友相追攀出門無所見白骨蔽平原路有飢婦
人抱子棄草間顧聞號泣聲揮涕獨不還未知身死處何
能兩相完驅馬棄之去不忍聽此言南登霸陵岸回首望
長安悟彼下泉人喟然傷心肝

二

荆蠻非我鄉何爲久滯淫方舟泝大江日暮愁我心山岡
有餘映巖阿增重陰狐狸馳赴穴飛鳥翔故林流波激清
響猿猱臨岸吟迅風拂裳袂白露沾衣襟獨夜不能寐攝
衣起撫琴絲桐感人情爲我發悲音羈旅無終極憂思壯
難任

三 祭集七哀詩六首前三首
入文選此首見古文苑

邊城使心悲昔吾親更之冰雪截肌膚風飄無止期百里
不見人草木誰當遲與治同平聲登城望亭隧翩翩飛戍旗行
者不顧反出門與家辭子弟多俘虜哭泣無已時天下盡

樂土何為久留茲羨蟲不知辛去來勿與諮

西京雜記云漢高祖嘗與陳彭越張敖謀反高祖曰天下

西京雜記云漢高祖嘗與陳彭越張敖謀反高祖曰天下

西京雜記云漢高祖嘗與陳彭越張敖謀反高祖曰天下

西京雜記云漢高祖嘗與陳彭越張敖謀反高祖曰天下

西京雜記云漢高祖嘗與陳彭越張敖謀反高祖曰天下

西京雜記云漢高祖嘗與陳彭越張敖謀反高祖曰天下

西京雜記云漢高祖嘗與陳彭越張敖謀反高祖曰天下

魏詩紀卷之五

魏詩紀卷之六

北海馮惟訥編

陳琳

字孔璋廣陵人避難冀州袁紹使典文章袁氏敗後歸太祖太祖使琳與阮瑀並為司空軍謀祭酒

管記室軍國書檄多琳瑀所作也徙門下督

飲馬長城窟行

飲馬長城窟水寒傷馬骨往謂長城吏慎莫稽留太原卒

官作自有程舉築諧汝聲男兒寧當格鬪死何能怫鬱築

長城長城何連連連連三千里邊城多健少

玉臺作兒

內舍多

寡婦作書與內舍便嫁莫留住善侍新姑嫜時時念我故

夫子報書住一作與邊地君今出語一何鄙身在禍難中何

為稽留他家子生男慎莫舉生女哺用脯君獨不見長城

下死人骸骨相撐拄結髮行事君慷慨心意關一作間明知

邊地苦賤妾何能久自全

遊覽二首

高會時不娛羈客難為心殷懷從中發悲感激清音投觴

罷歡坐逍遙步長林蕭蕭山谷風默默一作黯黯天路陰惆悵

忘旋反歔歔涕沾襟一作中

二

節運時氣舒秋風涼且清閒居心不娛駕言從友生翺翔

戲長流逍遙登高城東望看疇野迴顧覽園庭嘉木凋綠

葉芳草纖紅榮騁哉日月逝年命將西傾建功不及時鍾

鼎何所銘收念還房寢慷慨詠墳經庶幾及君在立德垂

功名

宴會

凱風飄陰雲白日揚素暉良友招我遊高會宴中聞玄鶴

浮清泉綺樹煥青蕤闕

徐幹字偉長北海人為司空軍謀祭酒掾屬五官將文學

答劉公幹詩

與子別無幾所經未一旬我思一何篤其愁如三春雖路
在咫尺難涉如九關陶陶諸夏別草木昌且繁

情詩一首

高殿鬱崇崇廣廈淒冷冷微風起閨闈落日照階庭踟躕
雲屋下笑歌倚華楹君行殊不返我飾爲誰榮鑪薰闔不
用鏡匣上塵生綺羅失常色金翠暗無精嘉肴旣忘御旨
酒亦常停顧瞻空寂寂唯聞燕雀聲憂思連相屬中心如

宿醒

室思一首

人靡不有初想君能終之別來歷年歲舊恩何可期重新
而忘故君子所猶譏寄身雖在遠豈忘君須臾旣厚不爲
薄想君時見思

雜詩五首

沉陰結愁憂愁憂爲誰興念與君相別各在天一方良會
未有期中心摧且傷不聊憂食慊慊常飢空端坐而無
爲髮鬢君容先

我我高山首悠悠萬里道君去日已遠鬱結令人老人生
一世間忽若暮春草時不可再得何為自愁惱每誦昔鴻
恩賤軀焉足保

室思三首

玉臺作雜詩藝文作室思按宋孝武自
右之出矣題云擬室思當以藝文為正

浮雲何洋洋願因通我辭飄飄不可寄徒倚徒相思人離
皆復會君獨無反期自君之出矣明鏡暗不治思君如流
水何有窮已時

二

慘慘時節盡蘭華凋復零喟然長嘆息君期慰我情展轉
不能寐長夜何綿綿躡履起出戶仰觀三星連自恨志不
遂泣涕如涌泉

三

忘君見中櫛以益我勞動安得鴻鸞羽觀此心中人誠心
亮不遂搔首立悵悵何言一不見復會無因緣故然比目
魚今隔如參辰

為挽船士與新娶妻別

藝文作徐幹玉臺作魏文
帝題云清河見挽船士新

婚與妻
別作

與君結新婚宿昔當別離涼風動秋草蟋蟀鳴相隨冽冽

寒蟬吟蟬吟抱枯枝枯枝時飛揚身體忽遷移不悲身遷
移但惜歲月馳歲月無窮極會合安可知願為雙黃鸝比
翼戲清池

劉楨

字公幹東平人太祖辟為丞相掾屬太子嘗宴諸
文學酒酣命夫人甄氏出拜坐中成伏楨獨平視
太祖聞之乃收治罪減死輸作署吏建安二十二年
卒○魏文帝曰公幹有逸氣但未遭耳至五言詩之
善者妙絕時倫○詩品曰楨詩其源出於古詩仗氣
愛奇動多振絕真骨凌霜高風跨俗但氣過其文雕
潤恨少然自思王
以下楨稱獨步

公讌詩

永日行遊戲歡樂猶未央遺思在玄夜相與復翱翔登車

飛素蓋從者盈路傍月出照園中珍木鬱蒼蒼清川過石
渠流波為魚防芙蓉散其華菡萏溢金塘靈鳥宿水裔仁
獸遊飛梁華館寄流波豁達來風涼生平未始聞歌之安
能詳投翰長嘆息綺麗不可忘

贈五官中郎將四首

昔我從元右整駕至南鄉過彼豐沛都與君共翱翔四節
相推斥季冬風且涼衆賓會席坐明燈燿炎光清歌製妙
聲萬舞在中堂金罍含其醴羽觴行無方長夜忘歸來聊
且為太康四牡向路馳歡悅誠未央

余嬰沉痾疾竄身清漳濱白夏涉玄冬彌曠十餘旬常恐
游岱宗不復見故人所親一何篤步趾慰我身清談同日
夕情盼叙憂勤伊復為別辭遊車歸西陵素葉隨風起廣
路揚埃塵逝者如流水哀此遂離分追問何時會要我以
陽春望慕結不解貽爾新詩文勉哉修令德比面自寵珍

三

秋日多悲懷感慨以長歎終夜不遑寐叙意於濡翰明燈
掩閨中清風淒已寒白露塗前庭應門重其關四節相
年歲月忽欲殫壯士遠出征戎事將獨難涕泣灑衣裳能
不懷所歡

四

涼風吹沙礫霜氣何皚皚五來切明月照緹幕華燈散炎輝
賦詩連篇章極夜不知歸君侯多壯思文雅縱橫飛小臣
信頑鹵儂免安能追

贈徐幹

誰謂相去遠隔此西掖垣拘限清切禁中情無由宣思子
沉心曲長嘆不能言起坐失次第一日三四遷步出北寺

門遙望西苑園細柳夾道生方塘含清源輕葉隨風轉飛
鳥何翻翻非人易感動涕下與衿連仰視日光皦皦高
且懸兼燭八紘內物類無頗偏我獨抱深感不得與比焉

贈從弟三首

汎汎東流水磷磷水中石蘋藻生其涯華葉紛擾溺采之
薦宗廟可以羞嘉客豈無園中葵懿此出深澤

二

亭亭山上松瑟瑟谷中風風聲一何盛松枝一何勁冰霜
正慘悽終歲常端正豈不罹凝寒松柏有本性

三

鳳凰集南嶽徘徊孤竹根於心有不厭奮翅凌紫氛豈不
常勤苦羞與黃雀群何時當來儀將須聖明君

雜詩

職事相煩

一作煩

填委文墨紛消散馳翰未暇食日晏不知晏

沉迷簿領書回回自昏亂釋此出西城登高且遊觀方塘
含白水中有鳥與鴈安得肅肅羽從爾浮波瀾

鬪雞

丹雉披華采雙距如鋒芒願一場炎威會戰此中唐利爪

探玉除瞋目含火光長翹驚風起勁翮正敷張輕舉奮勾
喙雷擊復還翔

射鳶

鳴鳶弄雙翼飄飄薄青雲我后橫怒起意氣凌神仙發機
如驚焱三發兩鳶連流血灑牆屋飛毛從風旋庶士同聲
贊君射一何妍

失題二首

見藝文類
木部

昔君錯畦時東土有素木條柯不盈尋一尺再三曲隱生
真翳林倥傯自迫束得託芳蘭苑列植高山足

闕

二

藝文
草部

青青女蘿草上依高松枝辛蒙庇養恩分息不可肯風雨
雖急疾根株不傾移

闕

魏詩紀卷之六

魏詩紀卷之七

北海馮惟訥編

應瑒

字德璉汝南人漢泰山太守劭之從子也魏太祖辟為丞相掾屬轉平原侯庶子後為五官中郎將

文學建安二十一年卒

報趙淑麗

一作報趙叔嚴

朝雲不歸夕結成陰離群猶

疑作獨

宿永思長吟有鳥孤栖

哀鳴北林嗟我懷矣感物傷心

公讌

魏魏主人德佳會被四方開館延群士置酒于斯堂辨論

釋鬱結援筆興文章穆穆衆君子好合同歡康促坐寒童
惟傳滿騰羽觴

侍五官中郎將建章臺集詩

朝鴈鳴雲中音響一何哀問子遊何鄉戢翼正徘徊言我
巷門來將就衡陽栖往春翔北土今冬客南淮遠行蒙霜
雪毛羽日摧頹常恐傷肌骨身隕沉黃泥簡珠墮沙石何
能中自諧欲因雲雨會濯翼陵高梯良遇不可值伸眉路
何階公子敬愛客樂飲不吝疲和顏既已暢乃官顧細微
贈詩見存慰小子非所宜且爲極謹情不醉其無歸凡百

敬爾位以副饑渴懷

別詩二首

朝雲浮四海日暮歸故山行役懷舊土悲思不能言悠悠
涉千里未知何時旋

浩浩長河水九折東北流晨夜赴滄海海流亦何抽遠道
萬里道歸來未有由臨河累一作竟太息五內懷傷憂

關雞

戚戚懷不樂無以釋勞動兄弟遊戲場命駕迎衆賓二部

分曹伍群雞煥以陳雙距解長綵飛踊超敵倫芥羽張金
距連戰何續紛從朝至日夕勝負尚未分專場駭衆敵剛
捷逸等群四坐同休贊賓主懷悅欣博奕非不樂此感世
所珍

應璩

字休璉瑒之弟博學好屬文明帝時歷官散騎常侍齊王即位稍遷侍中入將軍長史曹爽多違法度璩爲詩以諷焉其言雖頗詰然多切時要後爲侍中典著作嘉平四年卒○詩品曰璩詩祖襲魏文善爲古語指事殷勤雅意深篤得詩人激刺之旨至於濟濟今月所草靡可諷詠焉

百一詩三首

下流不可處君子慎厥初名高不宿著易用受侵誣前者

六有人適我問田家無所有酌醴焚枯魚問我何功
三入承明廬所占於此土是謂仁智居文章不經國管
篋無尺書用等稱才學往往見歎譽避席跪自陳賤子實
空虛宋人遇周客慙愧靡所如

二

年命在桑榆東岳與我期長短有常會遲速不得辭斗酒
多爲樂無爲待來茲室廣致凝陰臺高來積陽奈何季世
人侈靡在宮墻飾巧無窮極土木被朱光徵求傾四海雅
意猶未康

子弟可不慎慎在選師友師友必長德中才可進誘闕

韻語陽秋曰楚國先賢傳言應璩作百一詩譏切時事徧以示在事者皆怪愕以為應焚棄之及觀文選所載璩百一篇畧不及時事又郭茂倩雜體詩載百一詩五篇皆璩所作首篇言馬子侯解音律而以陌上桑為鳳將雛二篇傷鬻桑二老無以葬妻子而已無宣孟之德可以賙其急三篇言老人自知桑榆之景斗酒自勞不肯為子孫積財末篇即文選所載是也第四篇似有風凍所謂苟欲娛耳目快心樂腹腸我躬不悅惟安能慮死亡此豈非所謂應焚棄之詩乎方是詩曹爽事多違法璩為爽長史切諫其失如此所謂百一者庶幾百分有一補於爽也

雜詩三首

廣文選作應璩今依藝文作應璩

細微可不慎隄潰自蟻穴一作腠理早從事安復勞鍼石

哲人觀未形愚夫聞明白曲突不見賓焦爛為上客思

獻良規江海倘不逆狂言雖寡善猶有加雞跣一作雞跣

食不巳齊王為肥澤

二以下二首見藝文

散騎常師友朋疑作朝夕進規獻侍中主喉舌萬機無不亂

尚書統庶事官人乘疑作秉法憲彤管弭納言貂璫表武弁

出入承明廬車服一何煥三寺齊榮秩百僚所瞻願

少壯面目澤長老頰色麤麤醜人所惡拔白自洗蘇闕

三

少壯而三叟

古有行道人陌上見三叟年各百餘歲相與鋤禾莠佳車
問三叟何以得此壽上叟前致辭內中嫗貌醜中叟前致
辭量腹節所受下叟前致辭夜臥不覆首要哉三叟言所
以能長久

應瑗

唐藝文志有
應瑗集十卷

雜詩

見初學記

貧子語窮兒無錢可把撮耕自不得粟來彼北山葛篋飄
恒自在無用相呵喝

阮瑀

字元瑜陳留人少受學于蔡邕曹操辟為司空軍
謀祭酒管記室後為倉曹掾屬建安十七年卒

駕出北郭門行

駕出北郭門馬樊不肯馳下車步踟躕

一作躑躅

仰折枯楊枝

顧聞丘林中嗷嗷有悲啼借問啼者出何為乃如斯親母
舍我歿後母憎孤兒飢寒無衣食舉動鞭捶施骨消肌肉
盡體若枯樹皮藏我空室中父還不能知上冢察故處存
亡永別離親母何可見淚下聲正嘶棄我于此間窮厄豈
有貨傳告後代人以此為明規

琴歌

魏書曰太祖雅聞瑀名辟之不應乃逃入山中
太祖使人焚山得瑀太祖時征長安大延賓客
怒瑀不與語使就技人列瑀善解音能鼓琴
撫絃而歌為曲既捷音聲殊妙太祖大悅

奔奔天門開大魏應期運青蓋巡九州在東西人怨士為
知已死女為悅者玩恩義苟潛暢他人焉能亂

詠史詩二首

誤哉秦穆公身沒從三良忠臣不違命隨軀就死亡低頭
關壙戶仰視日月光誰謂此何處恩義不可忘路人為流
涕黃鳥鳴高桑

二

燕丹養勇士荆軻為上賓圖擢盡七首長驅西入秦素車
駕白馬相送易水津漸離擊筑歌悲聲感路人舉坐同咨
嗟嘆氣若青雲

雜詩二首

臨川多悲風秋日苦清涼客子易為戚感一作對此用哀傷
攬衣起躑躅上觀心與房三星守故次明月未收光雞鳴
當何時朝晨尚未央還坐長嘆息憂憂安可忘

三

我行自凜秋季冬乃來歸置酒高堂上友朋集光輝念當

復離別涉路險且夷思慮益惆悵淚下沾裳衣

七哀詩

丁年難再遇富貴不重來良時忽一過身體為土灰冥冥
九泉室漫漫長夜臺身盡氣力索精魂靡所能今本嘉穀
設不御旨酒盈觴杯出壙望故鄉但見蒿與萊此句不詳

隱士

四皓潛南岳老萊竄河濱顏回樂陋巷許由安賤貧伯夷
餓首陽天下歸其仁何患處貧苦但當守明真本坐回谷

苦雨

苦雨滋玄冬引日彌且長丹墀白蠟殪深樹猶沾裳客行
易感悴我心摧已傷登臺望江沔陽侯沛洋洋

失題 藝文 老部

白髮隨節墮未寒思厚衣四支易懈倦行步益踈遲常恐
時歲盡魂魄忽高飛自知百年後堂上生旅葵

公讌 見初 學記

陽春和氣動賢主以崇仁布惠綏人物降愛常所親上堂
相娛樂中外奉時珍五味風雨集杯酌若浮雲

怨詩

民生受天命漂若河中塵雖稱百齡壽孰能應此身猶獲

嬰凶禍流落

一作流離

恒苦心

閱

繆襲

字熙伯東海蘭陵人有才學多所叙述官至侍中尚書光祿勳文章志曰襲辟御史大夫府歷事魏

四世正始六年卒

魏鼓吹曲十二首

楚之平

晉書樂志曰改漢朱鷺為楚之平言魏也古今樂錄作初之平

楚之平義兵征神武奮金鼓鳴邁武德揚洪名漢室微社

沒傾皇道失桓與靈閣官熾群雄爭邊韓起亂金城中國

擾無紀經赫武皇起旗旌麾天下天下平濟九州九州寧

創武功武功成越五帝邈三王興禮樂定紀綱普日月齊

輝光

戰榮陽

艾漢思悲翁為戰榮陽言曹公也

戰榮陽汴水陂戎士憤怒貫甲馳陣未成退徐榮二萬騎

塹壘平戎馬傷六軍驚勢不集眾幾傾白日沒時晦冥顧

中牟心屏營同盟疑計無成賴我武皇萬國寧

獲呂布

改漢文如張為獲呂布言曹公東圍臨淮生擒呂布也

獲呂布戮陳宮交夷鯨鯢驅騁群雄囊括天下運掌中

克官渡

改漢上之回為克官渡言曹公與袁紹戰破之於官渡也

克紹官渡由白馬僵屍流血被原野賊衆如犬羊王師尚
寡沙堆傍風飛揚轉戰不利士卒傷今日不勝後何望土
山地道不可當卒勝大捷震冀方屠城破邑神武遂章

舊邦

改漢翁離為舊邦言曹公勝袁紹於官渡還譙收殲死亡士卒也

舊邦蕭條心傷悲孤鳧翩翩當何依遊士戀故涕如摧兵
起事大令願違傳來親戚在者誰立廟置後魂來歸

定武功

改漢戰城南為定武功言曹公初破鄴城武功之定始乎此也

定武功濟黃河河水湯湯旦暮有橫流波袁氏欲衰兄弟
尋干戈決漳水水流滂沱嗟城中如流魚誰能復顧室家
計窮慮盡求來連和和不時心中憂戚賊衆內潰君臣奔
北拔鄴城奄有魏國王業艱難覽觀古今可為長歎

屠柳城

改漢巫山高為屠柳城言曹公越北塞歷白檀破三郡烏桓於柳城也

屠柳城功誠難越度隴塞路漫漫北踰岡平但聞悲風正
酸蹋頓授首遂登白狼山神武熱海外永無北顧患

平南荆

改漢上陵為平南荆言曹公南平荆州也

南荆何遶遶江漢濁不清菁茅久不貢王師赫南征劉琮
據襄陽賊備屯樊城六軍廬新野金鼓震天庭劉子面縛
至武皇許其成許與其成撫其民陶陶江漢間普為大魏
臣大魏臣向風思自新思自新齊功古人在昔虞與唐大

魏得與均多選忠義士為喉膺天下一定萬世無風塵

平關中

改漢將進酒為平關中言曹公征馬超定關中也

平關中路向潼濟濁水立高墉關韓馬離群凶選驍騎縱
兩翼虜崩潰級萬億

應帝期

改漢有所思為應帝期言文帝以聖德受命應原期也

應帝期於昭我文皇歷數承天序龍飛自許昌聰明昭四
表恩德動遐方星辰為垂耀日月為重光河洛吐符瑞草

木挺嘉祥麒麟步郊野黃龍游津梁白虎依山林鳳凰鳴
高岡考圖定篇籍功配上古羲皇堯皇無遺文仁聖相因
循期運三千歲一生聖明君堯授舜萬國萬國皆附親四
門為穆穆教化常如神六魏興聖與之為隣

邕熙

改漢芳樹為邕熙言魏氏
其國君臣邕穆庶績咸熙也

邕熙君臣念德天下治登帝道獲瑞寶頌聲並作洋洋浩
浩吉日臨高堂置酒列名倡歌聲一何紆餘雜笙簧八音
謂有紀綱子孫永建萬國壽考樂無央

太和

改漢上邪為太和言明帝繼體
承統太和改元德澤流布也

惟太和元年皇帝踐祚聖且仁德澤為流布災蝗一時為
絕息上天時雨露五穀滋宋書
作溢田疇四民相率遵軌度事
務激清天下獄訟察以情元首明魏家如此那得不太平

挽歌

生時遊國都死沒棄中野朝發高堂上暮宿黃泉下白日
入虞淵懸車息駟馬造化雖神明安能復存我形容稍歇
滅齒髮行當墮自古皆有然誰能離此者

繁欽 字休伯文才機辨少得名於汝穎
為丞相主簿建安二十三年卒

贈梅公明詩

瞻我北園有條者桑遘此春景既茂且長氤氳吐葉柔潤
有光黃條蔓衍青鳥來翔日月其邁時不可忘公子瞻旃
勳名乃彰

遠戍勸戒詩

肅將王事集此揚土凡我同盟既文既武郁郁桓桓有規
有矩務在和光同塵共垢各竟其心為國蕃輔閭閻行行
一作非法不語可否相濟闕則云補

蕙詠

蕙草生山北托身失所依植根陰崖巖
風夜懼危頽寒氣
浸我根淒風常徘徊三光照八極獨不蒙餘暉葩葉水彫
悴凝露不暇晷百草一作皆含榮已凋失時姿比我英芳
發鴟鳩鳴已哀

定情詩

我出東門遊邂逅承清塵思君即幽房侍宴執巾巾時無
系中契迫此路側人我既媚君安君亦悅我顏何以致羞
奉綰臂雙金環何以致殷勤約指一雙銀何以致區區耳

中雙明珠何以致叩叩香囊繫肘後何以致契闊繞腕雙
跳脫何以結恩情美玉綴羅纓何以結寸心素纒連雙針
何以結相於一作金薄畫搔頭何以慰別離耳後瑤瑁釵
何以荅歡悅紉素三條裾何以結愁悲一綰雙中衣與我
期何所乃期東山隅日肝兮不來谷風吹我襦遠望無所
見涕泣起踟躕與我期何所乃期山南陽日中兮不來飄
風吹我裳道遠莫誰覩望君愁我腸舉我期何所乃期西
山側日夕兮不來躑躅長嘆息遠望空山至俯仰正衣服
與我期何所乃期山北兮日暮兮不來淒淒風吹我襟望君
不能坐悲若愁我心愛身以何為惜我華色時中情既歎
歎然後尅密期褰衣躡茂草謂君不我欺則此醜陋質徒
倚無所之日傷矢所欲決下如連絲

槐樹詩

嘉樹吐翠葉列在雙闕澹旖旎隨風動素色紛陸離闕

雜詩

世俗有陰易時運有盛衰老氏和共光遠瓊貴可懷闕

吳質字季重濟陰人以文才為文帝所善官至振威將軍假都督河北諸軍事封列侯太和四年入為侍

中卒謚曰威侯

思慕詩

文章叙錄曰文帝崩
吳質思慕作詩云

愴愴懷殷憂殷憂不可居徒倚不能坐出入步踟躕念蒙
聖主恩榮爵與衆殊自謂永終身志氣甫當舒何意中見
棄棄我就黃墟豈執靡所恃淡下如連珠隨沒無所益身
死者不書慷慨自俛仰庶幾烈丈夫

邯鄲淳

一名竺字子淑博學有才初平時從三輔客荆
州荆州內附太祖素聞其名召見其敬異之時
五官將博延英儒因啓淳欲使在文學會臨蒞侯植
亦求淳太祖遣淳詣植黃初初以淳爲博事給事中

答贈詩

我受上命來隨臨苗與君子處曾未盈期見召本朝駕言
趣期群子重離首命于時餞我路隅贈我嘉辭既受德音
敢不答之余惟薄德既局且鄙見養賢侯於今四祀既庇
西伯永誓沒齒今也被命義在不俟瞻戀我侯又慕君子
行道遲遲體逝情止豈無好爵懼不我與聖主受命千載
一遇攀龍附鳳必在初舉行矣去矣別易會難自強不息
人誰獲安願子大夫勉簣成山天行方至萬福爾臻

杜摯

字德魯河東人初署司徒軍謀
吏後舉孝廉除郎中轉補校書

贈母立儉

文章叙錄曰摯與母丘儉鄉里相親故為詩與儉求仙人藥一九欲以相感切儉求助也儉答以詩然摯竟不
得遷卒于祕書

騏驥馬不試姿姿槽櫪間壯士志未伸坎軻多辛酸伊摯
為賸臣呂望身操竿夷吾困商販甯戚對牛嘆食其處監
門淮陰飢不餐買臣老負薪妻叛呼不還釋之宦十年位
不增故官才非八子倫而與齊其愚無知不在此衣益未
有言被此萬病又榮衛動不安聞有韓衆藥信來給一九

初學記載摯贈母丘荆州詩云鶴飛舉萬里一蜚翮吳蒼翔高志難得離鳩失所望

母丘儉

字仲恭河東聞喜人初為平原侯文學累遷荆州刺史徙幽州刺史討公孫淵定遼東並討安

邑侯高句驪數侵叛儉討之有功遷鎮東將軍都督揚州與揚州刺史文鎮矯太后詔討太將軍司馬師兵敗遇害

荅杜摯

鳳鳥翔京邑哀鳴四有所思才為聖世出德音何不怡八子
未際遇今者遭叨時胡康出壠畝楊偉無根基飛騰冲雲
天奮迅協光熙駿驥骨法異伯樂觀知之但當養羽翮鴻
舉必有期體無纖微疾安用問良醫聯翩輕栖集還為燕
雀嗤此四句疑錯互韓公不藥雖良恐便不能治悠悠千里情薄言
荅嘉詩信心感諸中中賞不在辭

何晏

字平叔南陽宛人尚主太子舍黃初時無所事任正始中曹爽用為中書主選舉宿舊者多得濟

援為司馬宣王所誅

名士傳曰是時曹爽輔政識者慮有危機晏有重名與魏姻戚內雖懷憂而無復退也著五言詩以言志曰

雙鶴

世說作鴻鵠

比翼遊群飛戲太清常恐失

世說作大

網羅憂禍

一旦并豈若集五湖順流唼浮萍逍遙放志意

世說作永寧曠中懷

何鳥怵惕驚

失題

見初學萍部

轉蓬去其根流飄從風移芒芒四海涂悠悠焉可彌願為浮萍草託身寄清池且以樂今日其後非所知

左延年

晉書樂志曰黃初中左延年以新聲被寵

秦女休行

步出上西門遙望秦氏廬秦氏有好女自名為女休休

一作

始年十四五為宗行報讐左執白楊刃古據宛魯矛讐家

便東南什僵秦女休女休西上山上山四五里關吏呵問

女休女休前置

一作致

詞平生為燕王婦於今為詔獄囚平

生衣參差當今無領襦明知殺人當死况言快快弟言無

道憂女休堅詞為宗報讐死不疑殺人都市中微我都巷

西丞卿羅

一有列字

東向坐女休悽悽曳桔前兩徒夾我持刀

刀五尺餘刀木下臃腫擊鼓赦書下

從軍行

古今樂錄曰王僧虔云荀錄所載左延年苦哉一篇今不傳

苦哉邊地人一歲三從軍三子到燉煌二子詣隴西五子

遠關去五婦皆懷身

闕

又

見初學記

從軍何等樂一駟乘雙駃鞍馬照人白龍驤自動作

程曉

字季明衛尉安鄉侯昱之孫以祖功分封列侯嘉平中為黃門侍郎遷汝南太守○古文苑作晉人

贈傅休奕詩

粲粲獨夫寂寂靜處酒不盈觴肴不掩俎厥容伊何許由

巢父厥醴伊何玄酒瓠脯

闕

又贈傅休奕

三光飛景玉衡代邁龍集甲子四時成歲權輿授代徐陳

蕩穢元服初嘉萬福咸會赫赫應門嚴嚴朱闕群右揚揚

庭燎替替

闕

朝熱客

平生三伏時道路無行車閉門避暑臥出入不相過今世
一作梳襪子觸熱到人家主人聞客來輦感奈此何謂當
起行去安坐正咨嗟歲時雜詠所說無一急踏哈一何多
疲瘁向之久甫問君極那槌扇髀中疾一作痛流汗正滂沱
莫謂為小事亦是一大瑕傳戒諸高明熱行宜見呵

秦宓

遠遊

遠遊何所見所見邈難紀
厥穴非我鄰林麓無知己
虎則豹之尤鷹則鷂之弟
困獸入環岡飛鳥驚巢起
猛氣何咆

高陰風起千里遠遊長太息太息遠遊子

焦先

字孝然河東人也常食白石以分與人熟煮如芋食之日日入山伐薪以施人及魏受禪省河之眉結草為菴獨止其中太守董經往視之不肯語經益以為賢或忽老忽少後與人別去不知所適

祝衎歌

高士傳

魏伐吳有竊問隱士焦先先不應謬歌後魏尹旼人推其意詳羊指吳殺癡指魏也

祝衎祝衎非魚非肉更相追遂本為殺詳羊更殺殺癡

魏詩紀卷之七



人不知

公余此何

志

羊更

夫

不

新

依

